



CHIN COMMUNITY IN NORWAY (CCN)

Unity, Integration, Integrity, Self-reliance

www.norwaychin.no

CCN Secretary Report (2019-2021)

Friday, 2 July 2021

Biahmaithi

Kan hnu kum le tu kum (2020-2021) cu CCN kan tuanbia ah philh lo awk thami kum hna an si. Kam khat lei ah rianñuan ding a tambik kum hna an si bantukin kam khat lei ah mipi sin le Norway ram kan cozah sinah thazaang tambik kan hmuh kum zong an si ve fawn. IMDI (Integrasjon og Mangfold Direktoratet) sinin bawmhnak (2020-2021) zapi kan hmuhmi 240 000 kr asi. Cun kan civui 2021 tuahnak caah 378 234 kr zong LNU (Landrådet for Norges Barne og Ungdomsorganisasjon) sin Norway Chin Christian Youth Federation (NCCYF) he i kan hmuh. Kam khat lei ah CCN rianñuantu hna nih caan tambik kan hmannah cu Covid-19 kong le Kawram ram uknak kongah an si i mipi tampi zong nih kan rianñuannak a kan theihpi i mipi sin zongin thazangpeknak, lunglawmhnak le theihhngalh pi nak tambik kan hmuh kum hna zong an si.

Wawleicung mirumbik a si vemi Warren Buffet nih ka duh mi thilri zeizong te hi ka chawva ngeihmi in ka cawkhawh dih hna, asinain caan tu cu kei mah caah minute pakhat hmanh a hlei in ka cawkho lo a rak ti. Minung kan nunnak ah nikhat ah nizi 24:00 lawng kan ngei cio hna i ahohmanh nih suimilam pakhat a hlei in chap chih i cawkhawh zong a si lo, cu caah suimilam tampi man peklo tein CCN caah rian a kan ñuanpiak mi nan dihlak cungah hika kan report peknak hin kan lunglawmhnak roca kan rak ñial. Kan miphun caah caan nan peknak ah Bawipa tu nih thluachuahnak in pe ko hna seh.

Lunglawmhnak he,

Secretary

Chin Community in Norway (CCN)

Ñial Kio Thang Mang Lian

Covid-19 kongah cawlcanknak(2020 -2021)

Norway ram cu 2020 kum hramthawk in Covid-19 zawtnak nih fak tuk in a tlunh hnawh ve caah norway cozah nih atu le tu Covid-19 Upadi ser le thlen leng mang asi. Cu kong he pehtlai in kan Chin mipfun hna zong nih upadi ningin le zuluhphung sermi vialte hna kan zuluh khawh nak hnga CCN nih fak piin kan holh in thawngpang thanh a rak i zuam. Covid-19 kong he pehtlai in article laica in kan tialmi hi 50 leng asi cang i video lai holh in kan tuah mi hi 15 leng asi cang, atu zonga cu kan rian cu kan peh cuahmah rih.

Covid-19 kan rianttuannak kongah Norway Cozah Integrasjon og Mangfold Direktoratet (IMDI) he pehtleihnak tha tein kan ngei kho i bawmhnak 2020-2021 caah 125 000 kr a kan pek. Total IMDI bawmhnak kan hmuhmi 240 000 kr asi. 2020 ah 80 000 kr bawmhnak a kan pek i 2021 ah 45 000 kr kan hmu. Zeiruangah dah 2021 ah tlawmdeuh kan hmuh timi hlethlainak kan rak tuah tik ah Chin mipfun kan si a timi bu pa hnih nih nan sok caah tiah IMDI nih a kan ti.

Norway ram ah Covid-19 in a chawn bikmi hna cu ramdang rami minung/ mipfun hna kan si tiah Norway ram statistics nih a langhter, sihmanhsehslaw kan mah chin mipfun hi mipfun dang hna hmai ahcun covid a tlawm bik a ngei mi kan si. Kan mah kan theih mi chungah Norway chin mipfun chungin Corona a zaw mi hi 1% cung kan si lo ti hi asi. Covid-19 kong he pehtlai kan riant tuannak mipi lei zong nih lawmhnak ne thazang peknak bia tampi an kan chimh.

Integrasjon seminar tuahnak

Chin mipfun zeitindah Norway ram kan umnak ah kan i tlum deuh lai i zeitindah thil umtuning kongah kan hngalhnak a chep khawh lai timi kongah seminar voi hnih kan ngei kho. Mah seminar kan tuah khawhnak caah tianvo a nganbik a kan lakpiaktu cu Helge Kristoffer (Project leader) asi i, kanmah CCN ah Advisor zong asi fawn. 2021 zongah integrasjon seminar caah tilskudd a kan sok piak i 40, 000 kr zong a kan hmuh piak.

IMDI bawmhnak le adang tangka luhnak

2020 hlan le hnu CCN tuanbia ah a dangnak bik cu IMDI he tha tein pehtleihnak le rianttua ti nak le i zumhnak kan ngeih khawhmi hi asi. 2021 zongah driftislkudd 75 000 kr bawmhnak a kan pek chep. 2020-2021 IMDI sin in total in kan hmuh mi 240 000 kr asi.

Note: *LNU bawmhnak khi Civui caah asi caah NCCYF le CCN hrawm in hmuh mi asi*

Kawlrām Uknak kongah cawlcanghnaḱ

Kan kawlrām cu 2021 february nīkhat ah ruahlotuk in ralkap nih uknak an lak ṭhan caah Norway chin miphun vialte kan lung a fak dih. Hi kong pehtlai in CCN nih february nihnih in nihin tiang nichiar te a cawlcang zungzal ve. Ralkap nih uknak a lak ṭhan le cangka in CCN nih statement pawl Mirangca, Norwayca, Kawlca le Laica tiin duhlonak caṭialnak zong kan rak ngei. Cupinah Statsminister Erna Solberg sin zongah ca kuat kan rak ṭial, cun Telenor cungah lungtlin lo nak ca zong kan rak chuah. Stortinget a ṭhu mi pawl hna he zong kan i chawn kho, i KRF hotu le Barne-og Familie minister Kjell Ingolf Ropstad he zong kawlrām kongah biaruahnaḱ kan rak ngei kho. Cupinah Det **Norske Burma kommittee** tiah rak auh mi organization i Styreleder Professor Kristian Stokke te he zong neihniaḱ tein pehtleihnaḱ kan rak ngei.

CCN nih Stavanger ah kawlralkap duhlonak langhter nak voi hnih tiang a tuah cang. A voi khat nak cu ralkap nih uknak a lak le cangka in tuah mi asi i February 06 ah arak si i minung 200 renglo nih duhlonak kan rak langhter. A voi hnih nak cun June 12 ah asi i NUG cozah duhnaḱ le cohlanak ding caah langhter arak si. Stavanger ah CCN nih thil pipa a tuah pohah SCO (Stavanger Chin Organization) nih tlang a kan tlak piak zungzal caah an cungah CCN nih lunglawmnaḱ roca zong kan rak ṭial.

Kawlrām kongah CCN nih bu dang pawl he pehtleihnaḱ aherh tuk timi a fiang ngai ngai, cucaah buu dang hna he rianṭuannaḱ zong tampi kan ngei kho fawn. Ralkap nih uknak a lak le cangka in CCN nih Norway ram ah Chin organization a um mi pawl, NCCF, NCCYF, CNF, CSUN le NCCWF a auh hna i CDM support committee ti mi a ser. CDM Supporting Committee cu CCN nih a hruai i nihin tiangah Norway tangka in 1,5 million hrawng zong hmuh le kuat cuahmah asi cang. CDM caah tangka a chuakcangmi azat hi thawhter cuahmah lio asi rih caah fiangte in ṭial khawh asi rih lo. Cun Norway ram um Myanmar ram miphun vialte nih dirhmi CRPH/NUG Support Network timi bu zongah kan i tel kho i hruaitu zong kan si fawn. Norway NGO nih dirhmi Myanmar Network timi zongah caan tlawmpal kan i tel kho nain ruahnaḱ a dan caah kan rak i din ṭhan.

Paletwah bawmnaḱ

Kawl ralkap le AA paletwah ram ah i kah nak ruangah Chin mipi athi mi tampi an um lawng si loin a thong in ralzaam an um caah CCN nih 2020 ah Paletwah caah fundraising tuah arak si. CCN nih paletwah caah emergency fundraising a tuah mi chung in 94 050 kr zong hmuh asi. Hmuhmi tangka hna zong tlamtling tein bawmnaḱ ah kuat dih asi, cun a hlamtu sin

zongin hlam lio le bawmhnak pek lio hmanhlak tampi a um nain privatecy upadi ruangah hi ka report ah ka rak thil chih lo.

Chin National day kongah

Mipi nih CCN an kan theih bik nak cu CCN a tuahtu an si tiah an kan ti. Ahman ngaingai ko CCN nih 2005 in CND tuah a rak i thawk cang i nihin ni tiang tuah khawh a zuam peng. 2020 zongah keimah (CCN secretary Val. Tial Kio Thang) nih Rogaland CND committee ah Convener ka ttuan piak hna, cun 2021 zong Norway dihlak caah Online in tuah asi i Pu. Zing Cung zong biachimtu ah rak sawm asi. Rogaland lawng si lo in OSLO le Froland zongah CCN hruainak in CND tuah asi. CND kip ah

CCN nih mipi pumpak caah tuahmi

2019 lio ah CCN nih Chin mi nih pumpak in an herhsual ah tiah kan rak ti i service pek ding in rak timhtuah asi. Cuhna cu VISA soknak kong, cun rian sok lio mi hna caah CV le Søknað tial bawmhnak hna an si. Bawmhnak le ruahnak an kan hal mi tete zong an um nain norway ram upadi nih a tleih mi taushetplikt timi ruangah mipi sin ah lankter asi lo.

Tospråktesten kongah OSLOMET

Ram pakhat nih theihpimi, National level in holhlettu si khawh nak dingah cun tospråktesten timi awn hmasa ahau, nain 2019 hlan tiang ahcun Chin holh in register tuah le tospråktesten cu phit khawh a rak si lo. Cucaah OSLO met he pehtleihnak a kan tuah hnu ah kan i bawm i nihin ahcun chin holh in tospråktesten phit khawh asi cang.

CDM support concert Sui Lian - 100 000 Kr

Voi dang he a khat lo in tutan CDM caah tangka kawlnak kongah Norway ram artist kan i ngeihchunmi Sui Lian he zong rianttuanti nak kan ngei. CDM support concert Sui Lian ah 100 000 kr kan hmuh caah a mah Sui Lian cung zongah lunglawmhnak roca kan rak ttial chih. 100 000 kr ning tein CDM caah kuat asi. CCN nih hmailei zongah Norway ram um mi kan chin mi hlasakthiam pawl he neihniam tein rianttuan a duh i hmailei zongah artists dang pawl he zong riattuantti tti tthan lengmang ding in timhtuahnak kan ngei.

CCN thilri ngeihmi hna

	Name	Nu mb er	Price estima te	Location
1	Pokal- 1. CCN Cup 2012 Hamar, Norway 2. EU Championship 2014 Sandnes, Norway 3. The 4 th CCEU Championship Cup 2016, Sweden	3	NOK 1000,00	President
2	Dropbox Account	1		Secretary
3	Printer Canon	1	NOK 1000,00	President
4	Website: (norwaychin.no)	1	NOK 10000,00	President Secretary
5	Bank Account: Sparebank1 Konto nr: 3207 25 10452	1		President Treasurer
6	CCN File	1		Secretary
7	Dictionary: Norsk – Engelsh -Chin	1	NOK 100,00	President
8	Malaysia Chin Refugee Tuanbia – Victor Biak Lian	1	NOK 1000,00	President
9	Ka philh kho lo – Victor Biak Lian	1	NOK 100,00	President
10	BallPen	2	NOK 1000,00	President
11	Håndbånd	1	NOK 100,00	President
12	Computer/Laptop	1	NOK 5000,00	Info Leader

CCN Member (2019-2020)

1. Stavanger Chin Organisation (SCO)
2. Chin Community in Sandnes (CCS)
3. Chin Community in Gjesdal (CCG)
4. Time Chin Forening (TCF)
5. Egersund Chin Organisation (ECO)
6. Oslo Chin Organisation (OCO)
7. Elverum Social Organisation (ESO)
8. Moi
9. Froland
10. Hamar

CCN Executive Committee Member

Name	Position	Khua/organisation
Peter Sang Lian Thang	President	Chin Community in Sandnes (CCS)
Sang Cung Lian	Vice President	Stavanger Chin Organisation (SCO)
Tial Kio Thang	Secretary	Moi
Zatlung Lian	Assist Secretary	Oslo Chin Organisation (OCO)
Ni Par Hlawnceu	Treasurer/at-large member	Stavanger Chin Organisation (SCO)
Za Mang Chumkar	Assist Treasurer	Time Chin Forening (TCF)
Kap Thang	Leader- Culture & Entertainment Committee/at large member	Oslo Chin Organisation (OCO)
Mary Tialku	Leader- Info & Literature Committee/At large member	Moi
Tluang Dun	Leader - Sport Committee	Froland
Ngun Lian Thang	Auditor	Stavanger Chin Organisation (SCO)
Biak Cung Nung	Advisor	Stavanger Chin Organisation (SCO)
Helge Kristofferen	Advisor	Sandnes
Van Za Thawng	Member	Froland

Name	Position	Khua/organisation
Erh Cin Kung	Member	Stavanger Chin Organisation (SCO)
Khen Mang	Member	Stavanger Chin Organisation (SCO)
Peng Lawm	Member	Oslo Chin Organisation (OCO)
Hmun Cung Nung	Member	Chin Community in Sandnes (CCS)
Tluang Hnin	Member	Egersund Chin Organisation (ECO)
Cung Lian Hup	Member	Egersund Chin Organisation (ECO)
Risun	Member	Elerum Social Organisation (ESO)

Gustav Vigelands gate 50, Sandnes
Bank konto: 3207 25 10452

www.norwaychin.no
chin_norway@yahoo.com

Tel: +47 454 86 016
Org.nr: 995 139 979
